



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 28. Adventus cujusdam Legati Græcorum ad Synodum.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV.
A. C. 1437.

furus, Bullam condere noluit, sed duntaxat oretenus spondit, se Synodo animi sui sententiam per Joannem Archiepiscopum Tarentinum Legatum suum, qui proxime Basileam venturus esset, declaraturum. Sub idem tempus Bonaventuræ Abbas, & Raymundus Taloni, quos Synodus pariter delegaverat, supremam manu pacto cum Avenionensium Oratoribus inito imposuerunt. Inter eos enim conventum erat, ut Avenionenses præter illa sex Ducatorum millia, quæ jamjam Triremium Præfecto numerata erant, residua etiam septuaginta, quæ promississent, millia suppeditarent, postquam Synodus solemne condidisset decretum, quod omnino Basileensis vel Avenionensis, aut quædam alia civitas intra Sabaudiam sita in locum Concilii seligenda firmaretur; Avenionensibus autem permitteretur, ut omne id, quod ex indulgentiis, ac decimis nuper injunctis proveniret, per quosdam ad id muneris designandos percipere possent, iisdem emolumentis usque ad integram prædictæ summæ numerationem pignoris loco retinendis.

§. XXVIII.

Adventus cujusdam Legati Græcorum ad Synodum.

Dum hæc geruntur, Imperator Græcorum

rum, postquam unacum Patriarcha Constantinopolitano, & Orientalibus Episcopis in Occidentem proficisci statueret, Joannem Legatum suum ad Eugenium, & ad Synodum misit, qui pro sua profectio-
ne triremes parari peteret. Eodem anno millesimo quadringentesimo trigesimo septimo mense Februario ineunte Legatus Basileam ingreditur, concessæ potestatis literas, quæ tamen nil nisi privata epistola fuerant, Basileensibus offert, & explicata mandati sui serie, provinciam sibi demandatam quatuor præcipue articulis circumscribi testatur, scilicet, ut de sincera Græcorum intentione Synodum edoceret, eosque cuncta, quæ mutuo conclusa fuissent, exequi paratos nunciaret: dein ut Patres, ne contraria foverent consilia, induceret, simulque loci qui ad celebrandam Synodum commodus esset, electionem urgeret, ac tandem utrum triremes necessario apparatu instructæ essent, inquireret.

§. XXIX.

Responsum Legato ad alloquium admissum a Synodi Præsede datum.

Ad hæc Præsides Legato reposuit, Patri-
bus nihil antiquius fuisse, quam ut de omnibus istis debite providerent, jamque conducendis triremibus Præfectum fuisse

Hist. Eccles. Tom. XXVII.

R

no-